



Cynllun gweithredol
blynyddol 2022/23

Banc Datblygu Cymru



Trosolwg



Ein hymrwymia dau

Pwrpas

Dod ag uchelgeisiau yn fyw a sbarduno posibiliadau i bobl, busnesau a chymunedau yng Nghymru.

Cenhadaeth

Datgloi potensial yn economi Cymru drwy gynyddu'r cyflenwad a hygyrchedd cyllid cynaliadwy ac effeithiol.

Gwerthoedd

- Cydweithrediad craff
- Egni entrepreneuriaidd
- Empathi gwrthrychol
- Cyfrifoldeb ymwybodol

Targedau cyflawni gwaelodlin 2022/2027

Cefnogi dros 2,200 o fusnesau	Cefnogwyd dros 20,000 o swyddi	Buddsoddi dros £650m yn uniongyrchol mewn cwmnïau Cymreig	Targedu buddsoddiad ar y cyd ar gronfeydd busnes o 1:1
Cyflawni ein haddewid i Gynllun Cymru Gyfan Llywodraeth Cymru – Gweithio Gyda'n Gilydd i Gyrraedd Sero Net	Cynnal Sgôr Hyrwyddwr Net cwsmer o 60	Cynnal Sgôr Hyrwyddwr Net cyflogai o 60	Ariannu adeiladu 1,900 o dai newydd


Amcanion strategol cyfnod pum mlynedd

Craidd: Darparu cyllid dyled ac ecwiti gydag effaith gymdeithasol	Newydd: Hyrwyddo a datblygu dyfodol gwyrdd yng Nghymru	Gweithredol: Rhagoriaeth cyflawni, cwsmer-gyntaf, cynaliadwyedd ariannol
1. Hwyluso diwylliant mentegarol yng Nghymru, o'r sylfaen hyd at fusnesau twf uchel	1. Defnyddio ein sefyllfa a'n dylanwad i hyrwyddo cyfnod pontio cadarn, cymesur i ddyfodol gwyrdd ar draws yr ecosystem fusnes yng Nghymru	1. Sicrhau darpariaeth gydweithredol ac ymatebol sy'n bodloni anghenion esblygol cwsmeriaid
2. Cefnogi cynhwysiant ariannol ar gyfer grwpiau heb gynrychiolaeth ddigonol a chreu effaith gadarnhaol yn economi Cymru	2. Datblygu offerynnau ariannol arloesol i hyrwyddo'r uchelgeisiau ar gyfer dyfodol gwyrdd yng Nghymru	2. Gwreiddio cynaliadwyedd ariannol yn yr hir dymor trwy ddefnydd arloesol o gyfalaf ar gyfer anghenion parhaus y farchnad
3. Gweithio gyda'n cwsmeriaid newydd a phresennol i'w hannog i nodi a blaenoriaethu cyfleoedd effaith gymdeithasol fel rhan o'u cynllunio busnes	3. Gwella'n barhaus ein gwybodaeth, ein sgiliau a'n dealltwriaeth o effeithiau newid yn yr hinsawdd a rôl cyllid wrth ddarparu datrysiadau	3. Gwneud y defnydd gorau posibl o'n gallu i gefnogi'r gwaith o gyflawni polisi'r llywodraeth drwy ein strwythur a'n harbenigedd

Gweler ein [Cynllun Corfforaethol 2022/27](#) ac [Adroddiad blynyddol a datganiadau ariannol 2020/21](#) am ragor o fanylion

Trosolwg

Mae 2022/23 yn nodi dechrau cyfnod strategol newydd ar gyfer Banc Datblygu Cymru ar ôl cwblhau ein pum mlynedd gyntaf o weithrediadau. Mae ein Cynllun Corfforaethol 2022-27 yn nodi tri amcan strategol:



O fewn ein rhaglen waith eang a amlinellir ar gyfer y flwyddyn i ddod, fel y nodir yn y ddogfen hon, byddwn yn rhoi ffocws penodol i dri maes prosiect blaenoriaeth. Yn gyntaf, ymestyn ein gwasanaethau i gynyddu'r effaith ar yr agenda newid yn yr hinsawdd. Byddwn yn parhau i ddatblygu cyfres o gynlluniau sy'n canolbwyntio ar ddatgarboneiddio gyda gwaith wedi'i ganolbwyntio ar dri maes; cyflwyno'r Cymhelliant Cartrefi Gwyrdd i ddatblygwyr eiddo, datblygu cynnig benthyciad gwyrdd ar gyfer BBaChau a chreu cynnig wedi'i anelu at gefnogi ôl-osod tai.

Ochr yn ochr â hyn, byddwn yn canolbwyntio ar wreiddio ymagwedd fwy strwythuredig at elfennau amgylcheddol, cymdeithasol a llywodraethu (ACLI) o fewn meysydd allweddol ein gweithrediadau buddsoddi. Mae ein rhyngwyneb â dros 3,000 o gwsmeriaid yn rhoi cyfle gwych i ni gefnogi cyfrifoldeb ymwybodol yn y gymuned BBaChau yng Nghymru. Ein nod yw gwneud hyn mewn ffordd sy'n arwain camau gweithredu ACLI cadarnhaol i gynlluniau twf busnes mewn ffordd deg a chymesur, gan ystyried yr amrywiaeth o fathau o fusnes a gefnogwn.

Yn ystod 2022/23 byddwn hefyd yn datblygu ein rhaglen trawsnewid digidol gan greu rhyngwyneb symlach gyda'n cwsmeriaid ynghyd â gwasanaeth effeithlon sy'n rhoi gwerth am arian i'n rhanddeiliaid. Bydd hyn yn cynnwys cam olaf y broses o drawsnewid

ein system gweinyddu benthyciadau a dilyniant gwelliannau taith cwsmeriaid ar gyfer ein cwsmeriaid Hunanadeiladu Cymru a micro fenthyciadau.

Cyflawni targedau uchelgeisiol

Yn 2022/23 byddwn yn targedu'r lefel uchaf erioed o fuddsoddiad o £117m ar draws 12 maes cynnyrch. O gymharu â lansiad y Banc Datblygu yn 2017 dim ond 60% o hyn oedd y targed hwn, sef £68m.

Mae'r twf hwn yn cael ei ysgogi gan ymrwymiad ac arbenigedd ein timau cynhwysol a hawdd mynd atynt. Ni fu erioed mor bwysig sicrhau bod y Banc Datblygu yn gyflogwr o ddewis ac yn parhau i fod yn lle gwych i weithio a datblygu ynddo. Bydd hyn yn cael ei adlewyrchu trwy adnewyddu ein strategaeth pobl dros y chwe mis nesaf a monitro parhaus o'n dull gweithio hybrid i sicrhau ein bod yn cyflawni ein hamcanion busnes yn effeithiol yn y ffordd fwyaf effeithlon i'n cydweithwyr.

Bydd cymorth i'n targedau buddsoddi hefyd yn cael ei ddarparu drwy ein cyfathrebiadau, gan gynnwys ymgyrchoedd penodol a drefnwyd ar ecwiti, eiddo masnachol a Hunanadeiladu Cymru. Yn ogystal, bydd cyflwyno ein gwerthoedd brand diwygiedig yn fewnol ac yn allanol ynghyd â nodau cynllun corfforaethol pum mlynedd yn cyfleu ymhellach ein gallu i gefnogi datblygiad economaidd yng Nghymru.

¹ Bydd manylion llawn am berfformiad yn cael eu cyhoeddi yn Adroddiad blynyddol a datganiadau ariannol 2021/22 ym mis Medi 2022

Rhagolygon marchnad

Mae'r rhagolygon marchnad yn hynod heriol wrth inni ymdrin â'r cyfnod pontio o'r UE, yr effeithiau ar fusnesau a phobl ar ôl y pandemig a chwyddiant cynyddol wedi'u gwaethgu gan y digwyddiadau yn yr Wcrain. Mae'n anodd rhagweld effaith gronol y ffactorau hyn ar fusnesau yng Nghymru ond mae methiant y farchnad yn debygol o dyfu a chyd hynny'r galw am gyllid a gynigir gan y Banc Datblygu. Er mwyn wynebu'r heriau hyn, rhaid inni fod yn hyblyg ac yn ymatebol i gefnogi'r rhai yr effeithir arnynt fwyaf ac esblygu gydag anghenion newidiol busnesau Cymru i barhau i annog ynni mentergarol.

Mae ein cangen ymchwil bwrpasol, Dirnad Economi Cymru, yn darparu dadansoddiad amser real i gefnogi hyn. Bydd diddordeb brwd yn 2022/23 ar olrhain data o fewn y farchnad lafur, chwyddiant a hyder busnes, gyda dadansoddiad o'r hyn y mae hyn yn ei olygu i economi Cymru a'i BBaChau. Yn ogystal, bydd ymestyn y cydweithrediad ymchwil presennol i gynnwys dau bartner newydd yn cefnogi ymhellach ein hasesiad o anghenion y farchnad a nodi cyfleoedd ar gyfer y defnydd gorau o gyllid cyhoeddus.

Bydd 2022/23 hefyd yn gweld gweithredu Deddf Rheoli Cymhorthdal (2022) a ddisgwyllir ym mis Hydref. Rydym wedi bod yn dilyn y cyfnod pontio hwn o'r gyfundrefn Cymorth Gwladwriaethol yn agos a byddwn yn sicrhau bod y rheolau newydd yn cael eu hymgorffori yn ein gweithrediadau a bod ein paramedrau'n cael eu hystyried yn llawn er mwyn sicrhau'r cyfle mwyaf posibl i ariannu'r gwaith o gyflawni yng Nghymru.

Mae'r amgylchedd ar ôl gadael yr UE hefyd wedi newid y dirwedd ariannu gyda newid i ddosbarthiad mwy canolog o gyllid yn y DU. Ar gyfer cyllid busnes yng Nghymru, mae hyn yn canolbwyntio ar y dyraniad o tua £130m o gyllid cenhedlaeth newydd a weithredir gan Fanc Busnes Prydain. Dros y 12 mis nesaf byddwn yn gweithio gyda BBB i rannu mewnwelediadau a dysg fel y buddsoddwr conglaen ar gyfer cyllid cyhoeddus yng Nghymru a helpu i lywio sefyllfa cyllid newydd cyn iddo gael ei gyflwyno yn 2023-24.

Gweithio mewn partneriaeth

Yn y Banc Datblygu mae cydweithio a phartneriaeth graff yn sail i bopeth a wnawn. Mae hyn yn ymestyn o'n perthnasoedd â chwsmeriaid BBaCh eang i randdeiliaid allweddol a chyfleoedd rhannu gwybodaeth.

Wrth i ni barhau i ymestyn ein hystod a'n hehangder o ran cyllid a gwasanaethau dros y pum mlynedd nesaf, yn enwedig ein hymrwymadau sero net,

byddwn yn gweithio ochr yn ochr â llunwyr polisi ac arbenigwyr i sicrhau ein bod ar flaen y gad, gan ysgogi gweithredu a sbarduno'r agenda newid.

Mae gweithio gyda chyd-fuddsoddwyr yn hanfodol os ydym am wneud y mwyaf o effaith ein buddsoddiad ym musnesau Cymru. Byddwn yn gwneud hyn drwy barhau i annog y sector preifat i fuddsoddi ochr yn ochr â ni. I'r perwyl hwnnw rydym wedi gosod targed o gyfradd gyd-fuddsoddi gyffredinol 1:1 ar draws y buddsoddiad a gyflawnir ar gyfer ein cronfeydd nad ydynt yn eiddo.

Ar gyfer ein his-gwmni awdurdodedig yr AYA, FW Capital, byddwn yn parhau i godi arian ac yn anelu at godi cronfa sy'n ffocysu ar ecwiti gyda phartner cyflawni newydd yn 2022/23. Ochr yn ochr â hyn byddwn yn sefydlu gweithrediadau ar gyfer Cronfa Eiddo Masnachol y Gogledd Ddwyrain a ddyfarnwyd yn ddiweddar.

Yn 2022/23 byddwn yn adolygu ac yn datblygu ein dull gweithredu tuag at ymgysylltu â rhanddeiliaid a materion cyhoeddus er mwyn sicrhau aliniad parhaus â'n hamcanion craidd wrth inni ddechrau ar gyfnod strategol pum mlynedd newydd.

Aliniad Llywodraeth Cymru

Bydd y Banc Datblygu yn gweithio gyda swyddogion o bob rhan o Lywodraeth Cymru i gefnogi eu gwaith o gyflawni polisiâu yn y cyfnod economaidd heriol hwn. Mae ein gallu i arloesi, addasu a gweithredu'n gyflym yn golygu y gallwn helpu adrannau i yrru eu rhaglenni yn eu blaenau ac ategir hyn gan berthynas waith agored barhaus. Enghraifft dda o hyn yw ein Grŵp Cymorth Adfer, gan ddefnyddio arbenigedd mewnol i gynorthwyo busnesau o dan amgylchiadau arbennig sy'n ailstrwythuro ar gyfer cynaliadwyedd hirdymor, gyda neu heb yr angen am gyllid Banc Datblygu, a fydd yn parhau i mewn i 2022/23.

Bydd ymgysylltu yn digwydd ar sail drawsadrannol a chynhelir cydberthnasau allweddol gydag adran Trysorlys yr Economi a'r Cyfansoddiad a'r adran Newid Hinsawdd a Materion Gwledig. Byddwn yn parhau i weithio'n agos gyda'r timau hyn wrth ddarparu ein gwasanaethau buddsoddi byw

Hunanadeiladu Cymru a Chymorth i Brynu- Cymru (CiBC) gyda chynlluniau parhaus ar y gweill ar gyfer eu gofynion cyflawni yn y dyfodol, gan gynnwys Cam 4 CiBC. Yn gynnar yn 2022/23 byddwn yn lansio gwasanaeth buddsoddi pellach, mewn cydweithrediad â'r tîm Diogelwch Adeiladau, y Cynllun Cymorth i Lesddeiliaid - i gefnogi unigolion mewn caledi ariannol oherwydd materion diogelwch tân adeiladau.

Bydd ein rôl o ran cefnogi ymrwymadau'r Rhaglen Lywodraethu o ran darparu cyfalaf amyneddgar ac ecwiti yng Nghymru yn parhau i gael ei holrhain a'i hadrodd yn ôl yn rheolaidd i Lywodraeth Cymru. Byddwn hefyd yn bwrw ymlaen â chwblhau Contract Economaidd rhyngom ni a Llywodraeth Cymru yn gynnar yn 2022/23.

Yn y pen draw, mae'n rhaid i ddarpariaeth gan y Banc Datblygu barhau i ddangos gwerth am arian wrth ddefnyddio arian cyhoeddus yn effeithlon. Byddwn yn parhau i weithio gyda chydweithwyr cyllid ar draws adrannau Llywodraeth Cymru ac yn ganolog i sicrhau rheolaeth gyllidebol gadarn. Byddwn hefyd yn datblygu dulliau arloesol o ailgylchu cyllid a neilltuyd ac adenillion i feysydd newydd er mwyn sicrhau'r effeithlonrwydd ariannol mwyaf posibl.

Mesur llwyddiant

Wrth i ni dyfu o ran darparu buddsoddiad craidd ac ehangder ein gwasanaeth, byddwn yn parhau i esblygu ein gwaith casglu a dadansoddi data i fesur llwyddiant. Fel arfer, bydd hyn yn golygu adrodd tryloyw parhaus gan randdeiliaid ar draws ein hystod cynnyrch yn ogystal â chyhoeddi ein Hadroddiad Blynyddol a chyfrifon ar gyfer 2021-22 ym mis Medi 2022.

Yn ogystal, o fis Hydref 2022 ymlaen byddwn yn cyflwyno'r drefn o gyhoeddi dangosyddion perfformiad allweddol ddwywaith y flwyddyn sy'n cyd-fynd â'r ymrwymadau yn ein cynllun corfforaethol.

Risg a llywodraethu

Fel asiant cyflawni dibynadwy ac atebol i Lywodraeth Cymru a rhanddeiliaid ehangach, byddwn yn parhau i flaenoriaethu trefniadau goruchwyllo a llywodraethu cadarn. Yn gynnar yn 2022/23 byddwn yn cyflwyno'r system rheoli risg newydd sy'n darparu strwythur gweithredu mwy hygyrch a chanolog ar gyfer perchnogion risg a rheoli ar draws y busnes. Bydd gwasanaeth archwilio mewnol newydd hefyd yn cael ei roi ar waith yn ystod y flwyddyn yn ogystal â galluoedd adfer ar ôl trychineb wedi'u diweddar, hyfforddiant ar ransomware, caffael gwasanaeth ymgynghori ar gyfer Asesiad o'r Effaith ar Gydraddoldeb wedi'i ddiweddar a chadw at adroddiadau'r AYA yn barhaus. Bydd ein harbenigwyr risg a llywodraethu yn darparu arweinyddiaeth ragweithiol ar feysydd fel cadernid gweithredol a rheoli cwsmeriaid sy'n agored i niwed, yn ogystal â chymeradwyo ystyriaethau rheoleiddio ar gyfer yr holl gronfeydd a gwasanaethau newydd.

Ceir manylion llawn Fframwaith Llywodraethu Risg Banc Datblygu Cymru yn ein Hadroddiad Blynyddol a datganiadau ariannol 2020/21.



Gweithredol



Prif Amcanion Busnes 2022/23

Craidd: Cyflawni cyllid dyled ac ecwiti gydag effaith gymdeithasol

- Integreiddio asesiad ACLI i wneud penderfyniadau buddsoddi a chynlluniau creu gwerth ar gyfer y portffolio ecwiti
- Ehangu ein cydweithrediad ymchwil i gynnwys dau bartner ymchwil newydd
- Adnewyddu pileri brand a'u cyflwyno'n fewnol ac yn allanol
- Cytuno ar Ddangosyddion Perfformiad Allweddol diwygiedig ar gyfer Cymru a'u darparu Cronfa hunan-adeiladu sy'n canolbwyntio ar sicrhau safleoedd gyda chynllunio priodol ar gyfer datblygu
- Bwrw ymlaen ag ymagwedd strwythuredig at gyllid newydd gan fuddsoddwyr newydd ar gyfer marchnadoedd Cymru a Lloegr
- Adolygu ac uwchraddio'r system adolygu rheoli perfformiad
- Darparu £117m o gyllid i gefnogi dros 475 o fusnesau

Newydd: Hyrwyddo a hybu dyfodol gwyrdd yng Nghymru

- Integreiddio asesiad ACLI i wneud penderfyniadau buddsoddi a chynlluniau creu gwerth ar gyfer y portffolio ecwiti
- Ehangu ein cydweithrediad ymchwil i gynnwys dau bartner ymchwil newydd
- Adnewyddu pileri brand a'u cyflwyno'n fewnol ac yn allanol
- Datblygu a chyflwyno cynigion ar gyfer dau gynllun datgarboneiddio / ACLI newydd i Lywodraeth Cymru
- Cytuno ar safon cynaliadwyedd i'w dilyn a'i rhoi ar waith ar draws y sefydliad ac alinio â thargedau sero net Llywodraeth Cymru erbyn 2030

Gweithredol: Rhagoriaeth cyflawni, cwsmer yn gyntaf, cynaliadwyedd ariannol

- Gweithio gyda Llywodraeth Cymru i nodi meysydd cymorth gwasanaethau buddsoddi newydd, gan gynnwys y Cynllun Cymorth i Lesddeiliaid
- Datblygu'r fframwaith rheoli risg gyda gweithredu datrysiad rheoli risg Sword
- Trosglwyddo'r llyfr benthyciad sy'n weddill i system weinyddol newydd Pancredit
- Cefnogi Llywodraeth Cymru gydag asesiad y Trysorlys ar gyfer triniaeth gyfrifyddu gweithgaredd Banc Datblygu yn y dyfodol
- Bwrw ymlaen ag ymagwedd strwythuredig at gyllid newydd gan fuddsoddwyr newydd ar gyfer marchnadoedd Cymru a Lloegr
- Adolygu ac uwchraddio'r system adolygu rheoli perfformiad
- Sicrhau cronfa buddsoddi ecwiti newydd ar gyfer FW Capital
- Cynhyrchu cynllun recriwtio a chadw ar gyfer rolau ac arbenigeddau penodol lle mae trosiant staff yn uwch na lefelau diwydiant
- Parhau i gyflawni trawsnewid digidol, wedi'i gefnogi gan adolygiad o strategaeth ddata'r Grŵp, gan gynnwys teithiau cwsmeriaid hunan-adeiladu a micro-fenthyca a (taith hunan-adeiladu a micro-fenthyca), adfer ar ôl trychineb ac uwchraddio nwyddau pridwerth, gweithredu dogfennau electronig

Prosiectau â blaenoriaeth

O fewn ein nodau gweithredol ar gyfer 2022/23 mae tri phrif brosiect a fydd yn cyflawni meysydd blaenoriaeth ar gyfer ein cwsmeriaid a'n rhanddeiliaid.

Amgylcheddol, cymdeithasol a llywodraethu - arferion ACLI

Yn 2022/23 byddwn yn ymgorffori ystyriaethau amgylcheddol, cymdeithasol a llywodraethu (ACLI) ymhellach ar draws ein gweithrediadau busnes. Wrth wneud penderfyniadau buddsoddi, bydd templed papur sancsiwn diwygiedig yn dechrau cael ei gyflwyno, gan ddechrau gyda buddsoddiadau dros £100k. Bydd cynnwys ACLI yn systematig yn y dadansoddiad yn cynnwys asesiad naratif, gan grynhoi'r risgiau a'r cyfleoedd amgylcheddol a chymdeithasol yn ôl y sector y mae'r busnes yn gweithredu ynddo a'i gefnogi gan ymchwil trydydd parti. Bydd y naratif hwn yn llywio'r broses o wneud penderfyniadau buddsoddi ac yn llywio'r cynlluniau creu gwerth ar gyfer y busnesau hyn tra'u bod yn gwsmer i'r Banc Datblygu. Bydd polisi buddsoddi cyfrifol yn cael ei gyflwyno ar draws y grŵp, gan ddarparu fframwaith ar gyfer gwerthuso cynigion buddsoddi ac ymgorffori'r Egwyddor Datblygu Cynaliadwy o Ddeddf Llesiant Cenedlaethau'r Dyfodol a Nodau Datblygu Cynaliadwy'r Cenhedloedd Unedig.

Byddwn yn parhau ar ein taith ein hunain tuag at sero net, gan ddatgelu ein hallyriadau carbon fel rhan o'n hadroddiad blynyddol a sefydlu gweithgor gweithrediadau i gefnogi gweithgarwch lleihau allyriadau carbon. Byddwn yn cytuno pa safonau a fframweithiau i'w dilyn i gefnogi'r strategaethau hyn, gan roi sicrwydd i'n rhanddeiliaid a gweithredu ar ein hawydd i fod yn fodelau rôl dilyn i'n cwsmeriaid. Yn olaf, byddwn yn cyflwyno ein pileri brand diwygiedig, gan gynnwys datganiad clir o fwriad mewn perthynas â chynaliadwyedd.

Cynlluniau datgarboneiddio

Ar ddiwedd 2021/22 fe wnaethom nodi cyfres o chwe chynllun datgarboneiddio i'w datblygu ymhellach. Roedd y rhain yn amrywio o brosiectau ynni adnewyddadwy cymunedol ar raddfa fawr i gymorth ôl-osod tai. Bydd ein ffocws yn 2022/23 ar y tri maes prosiect canlynol:

Cymhelliant Cartrefi Gwyrdd - Yn dilyn cymeradwyaeth gan Cartrefi a Lleoedd ar y cynnig i gyflwyno cymhellion lleihau ffioedd i ddatblygwyr sy'n defnyddio dulliau adeiladu gwyrdd, byddwn yn cyflwyno ac yn hyrwyddo'r cynnig hwn yn weithredol er mwyn annog pobl i fanteisio ar arferion gwyrdd mewn datblygiadau adeiladau newydd ar draws ein cronfeydd eiddo.

Benthyciadau Gwyrdd i BBaChau - Byddwn yn ceisio ymgysylltu ag arbenigwyr trydydd parti i helpu i ddatblygu fframwaith ar gyfer benthyciadau gwyrdd ar gyfer cwsmeriaid newydd a phresennol gan edrych ar sut y gallwn sicrhau'r effaith fwyaf posibl o ran lleihau allyriadau carbon tra'n parhau i gefnogi twf eu busnes.

Ôl-osod Tai - Byddwn yn parhau i weithio ar y cyd â Llywodraeth Cymru a Nesta i ymchwilio a datblygu pecyn ariannol posibl i gefnogi perchenfeddianwyr i symud ymlaen â gwelliannau lleihau carbon yn eu cartrefi.

Byddwn yn gweithio i esblygu'r datblygiad uchod yn o leiaf ddau achos busnes cynnyrch gan adeiladu ein cefnogaeth i fynd i'r afael â'r argyfwng hinsawdd.



Trawsnewid digidol

Bydd ein rhaglen trawsnewid digidol sy'n canolbwyntio ar y cwsmer yn parhau yn 2022/23. Bydd cyflwyno rheolaeth cyfrifon ar-lein ar gyfer cwsmeriaid hunan-adeiladu a micro-fenthyciadau yn allbynnau allweddol ar gyfer y prosiect taith cwsmer, gan ddarparu ffordd gyflym a hawdd i gwsmeriaid ryngweithio â ni. Ein nod yw creu arbedion effeithlonrwydd yn y broses asesu ceisiadau a lleihau amseroedd ymateb i'n cwsmeriaid. Ochr yn ochr â hyn, bydd gwelliannau effeithlonrwydd trwy ddefnydd ehangach o lofnodion electronig yn gwella profiad y cwsmer ymhellach.

Y tu ôl i'r llenni bydd gwaith yn parhau i drosglwyddo ein gweinyddiaeth benthyciadau i'r system rheoli ariannol newydd Pancredit gyda'r trydydd cam a'r cam olaf i'w gynnal yn yr hydref. Bydd llinyn allweddol o waith hefyd yn canolbwyntio ar y strategaeth ddata grŵp cyfan i sicrhau bod datblygiadau digidol mewn adrodd yn cael eu cefnogi gan ffynonellau data sydd wedi'u llywodraethu'n dda.

Swyddfa rheoli newid

O dan y prif amcanion busnes a'r prosiectau blaenoriaeth, mae pob un o'n timau yn gyfrifol am sicrhau cysondeb gweithredol, cyflawni cadarn a gwelliant parhaus. Mae effeithlonrwydd y diwethaf o'r rhain, o newidiadau i systemau a phrosesau, rheolaethau, a datblygu cyfleoedd newydd yn cael ei harneisio trwy ein swyddfa rheoli newid.

Cyfrifoldeb y swyddogaeth hon yw blaenoriaethu a llywodraethu arloesedd er mwyn gweithredu newid cadarnhaol yn y ffordd fwyaf effeithiol. Yn 2022/23 bydd hyn yn cael ei gefnogi drwy gyflwyno fforwm asiant newid sy'n cynnwys unigolion o bob rhan o'r sefydliad a fydd yn creu cysylltiadau pellach ar gyfer cydweithio traws-dîm ac yn datblygu a gweithredu newidiadau busnes i wella profiad cydweithwyr a'r cwsmer.

Gwasanaethau buddsoddi

Ymrwymiad allweddol yn ein strategaeth gorfforaethol yw cefnogi Llywodraeth Cymru drwy ddatblygu atebion yn seiliedig ar wasanaethau ar gyfer meysydd polisi y mae angen gweinyddiaeth ariannol arnynt. Trwy ddefnyddio ein strwythurau cadarn a'n systemau llywodraethu sefydledig gallwn ddarparu darpariaeth arbenigol a gwerth am arian ar draws anghenion Llywodraeth Cymru.

Cymorth i Brynu - Cymru



Gyda mwy na £500m bellach wedi'i ddarparu drwy'r cynllun, mae Cymorth i Brynu - Cymru yn cyflawni yn erbyn ymrwymiad Llywodraeth Cymru i gefnogi perchentyaeth yng Nghymru. Ar hyn o bryd yn y cam cyflawni Cam

3 o £185m, sydd wedi gweld cap is ar brisiau tai i ganolbwyntio ar brynwyr tro cyntaf, mae'r tîm bellach yn gweithio gyda Chartrefi a Lleoedd i ddatblygu strwythur Cam 4 gwerth £140m o fis Ebrill 2023.

Yn 2022/23, bydd y tîm yn sicrhau ei fod yn parhau i gyflawni ei gytundebau lefel gwasanaeth gyda Llywodraeth Cymru. Bydd hyn yn cael ei gefnogi gan uwchraddio cynhyrchiant a phrofiad cwsmeriaid gan gynnwys y defnydd o DocuSign, gwelliannau teleffoni yn ogystal â chychwyn caffael system gweinyddu benthyciadau newydd. Yn rhan annatod o'r holl brosesau presennol a newydd bydd ystyriaeth barhaus o'n rhwymedigaethau rheoleiddio gyda ffocws arbennig eleni ar gwsmeriaid bregus a phrosesu cwynion.

Hunanadeiladu Cymru



Gyda chynnydd y cynllun Hunanadeiladu wedi cael ei effeithio'n fawr gan y pandemig, bydd 2022/23 yn flwyddyn

bwysig i ailsefydlu'r cynllun a gwireddu'r potensial y gall ei gynnig o ran perchentyaeth gynyddol ac amrywiol yng Nghymru. Nod Hunanadeiladu Cymru yw gwneud hunanadeiladu yn fwy hygyrch

i berchnogion tai persbectif trwy ddarparu lleiniau gyda chaniatâd cynllunio amlinellol. Gyda'r ddibyniaeth gychwynnol ar Awdurdodau Lleol i nodi tir i'w ddatblygu, fe wnaeth dargyfeirio eu hadnoddau yn ystod yr ymateb i Covid arafu datblygiad.

Er mwyn lleihau dibyniaeth ar dir Awdurdod Lleol, yn 2020-21 ehangodd y cynllun ei gyrhaeddiad i gynnwys tirfeddianwyr preifat. Yn 2022/23 caiff hyn ei gefnogi gan ymgyrch barhaus i ennyn diddordeb gan dirfeddianwyr corfforaethol, a pherchnogion tir preifat o bosibl, gyda safleoedd ledled Cymru, gyda'r amcan yn y pen draw o sicrhau safleoedd â chaniatâd cynllunio priodol i gwsmeriaid eu datblygu. Dros y 12 mis nesaf bydd y tîm yn gweithio gyda Llywodraeth Cymru i ailosod dangosyddion perfformiad allweddol a thargedau ar gyfer cyflawni'r cynllun yn barhaus. Yn weithredol, y cynllun hefyd fydd ardal gyflenwi gyntaf y busnes i elwa ar borth cwsmeriaid y gellir ei ddefnyddio i reoli ceisiadau, a fydd yn cael ei gyflwyno yn ystod hanner cyntaf y flwyddyn.

Mentrau newydd

Byddwn yn gweithio gyda'n cydweithwyr yn Llywodraeth Cymru yn ystod y flwyddyn i nodi cyfleoedd ar gyfer cymorth buddsoddi ehangach. Gan fod y dirwedd ariannu yn newid yn allanol ac o fewn ein rheolaeth gyllidebol ein hunain, byddwn yn ystyried ffyrdd newydd o weithio a'r cyfleoedd sy'n deillio o hyn i wella'r modd y darperir y cyllid cyhoeddus a weithredwn. Gall hyn ymestyn i gydweithio â thrydydd partion megis Awdurdodau Lleol, Bargeinion Twf Dinesig a Chyd-bwyllgorau Corfforaethol.

Yn fwy uniongyrchol, yn ystod Ch1 byddwn yn canolbwyntio ar ddatblygu a lansio'r Cynllun Cymorth i Lesddeiliaid ar y cyd â Thîm Diogelwch Adeiladau Llywodraeth Cymru. Ein rôl ni yw creu'r mecanwaith cyflawni gan weithio gyda thrydydd partion i ddarparu cymorth i lesddeiliaid yng Nghymru sy'n cael eu hunain mewn caledi ariannol o ganlyniad i faterion diogelwch tân ar yr adeiladau y maent yn byw ynddynt. Disgwylir i'r cynllun hwn gael ei lansio ym mis Mehefin 2022.

Pobl

Mae'r economi yn profi newid aruthrol o'r argyfwng hinsawdd, chwyddiant cynyddol, ac adferiad ar ôl y pandemig. O ganlyniad, rydym yn wynebu amgylchedd cyflogaeth heriol ac, fel llawer o sefydliadau eraill, heriau mwy o ran recriwtio a chadw. Pobl yw ein hased mwyaf ac mae'n hanfodol i'n llwyddiant hirdymor. Er mwyn cyflawni ein huchelgeisiau a chyflawni ein pwrpas, byddwn yn cynnal diwylliant ac amgylchedd lle gall ein cydweithwyr ffynnu a dysgu.

Mae'r Banc Datblygu bob amser wedi bod yn gyflogwr hynod hyblyg sydd wedi cefnogi cydweithwyr ac wedi deall pwysigrwydd cydbwysedd iach rhwng bywyd a gwaith. Wrth i ni ddod allan o'r Pandemig mae hyn yn bwysicach fyth gan fod llawer o bobl wedi ail-werthuso'r hyn sy'n bwysig iddyn nhw ac mae cystadleuaeth am unigolion medrus, uchel eu cymhelliant wedi cynyddu yn y farchnad.

Yn 2022/23 byddwn yn adolygu ein strategaeth recriwtio i fynd i'r afael â heriau penodol ar gyfer rolau ac arbenigeddau penodol. Byddwn yn creu cynllun pwrpasol, gan gynnwys sianeli recriwtio ehangach, i fynd i'r afael â meysydd lle mae trosiant staff cyfartalog yn uwch na lefelau diwydiant.

Byddwn yn parhau i adeiladu ar ein profiad o weithio hybrid dros y flwyddyn nesaf a byddwn yn cynnal ymgynghoriad â chydweithwyr yng nghanol y flwyddyn i sicrhau ein bod yn parhau i ddatblygu gweithio hybrid er mwyn sicrhau'r buddion mwyaf posibl i'n cydweithwyr a chyflawni ein hamcanion. Bydd adnewyddiad o'n strategaeth pobl hefyd yn cael ei wneud gan gwmpasu ein haddewid i'n tîm ac yn ymgorffori'r brand a'r gwerthoedd newydd.

Byddwn hefyd yn parhau i adeiladu ar lwyddiant gwelliannau trawsnewid digidol blaenorol o fewn ein tîm Pobl a Datblygu. Dros y 12 mis nesaf bydd hyn yn cynnwys adolygiad o'n prosesau a'n system rheoli perfformiad.



Bydd 2022/23 yn flwyddyn bwysig i Ddirnad Economi Cymru wrth iddo ehangu i gynnwys darparwyr ymchwil newydd. Erbyn diwedd Ch2, mae dau bartner ymchwil newydd wedi'u trefnu i ymuno â'r cydweithrediad, a bydd hyn yn cyd-daro â chyflwyno cynllun cyfathrebu ac ymgysylltu ymroddedig.

Byddwn yn parhau i gynhyrchu adroddiadau chwarterol, adroddiad effaith blynyddol a thrydydd adroddiad pwrpasol ar ymyriadau ariannol Covid-19 penodol i Gymru a fydd yn cynnwys ail rownd o ddata arolwg buddiolwyr a dadansoddiadau. Byddwn hefyd yn cyhoeddi o leiaf un adroddiad gan un o'r partneriaid ymchwil newydd erbyn diwedd Ch4.

Mae amllder a natur gylchol ei adroddiadau wedi ein galluogi i gael mynediad at ffynhonnell allweddol o ddata amser real, yn enwedig wrth inni weithredu drwy ergydion economaidd megis ymadawiad y DU â'r UE a'r pandemig byd-eang diweddar.

Yn ystod y flwyddyn, byddwn yn parhau i fireinio ein ymchwil a byddwn yn ei ddefnyddio i benderfynu pa brosiectau ymchwil y dylid eu blaenoriaethu. Byddwn hefyd yn ceisio cynyddu'r gynulleidfa a'r cyrhaeddiad drwy ymgymryd â gwaith ymgysylltu â rhanddeiliaid rhagweithiol a mapio.

Is-frandiau

—



FW Capital yw cangen rheoli cronfa gofrestredig gyda'r AYA Grŵp Banc Datblygu Cymru. Ar hyn o bryd mae'n gweithredu o chwe swyddfa ar draws Gogledd Lloegr gyda 31 o weithwyr, gan gynnwys dau gyfarwyddwr cronfa penodedig sy'n rheoli gweithrediadau yng Ngogledd Orllewin a Gogledd-ddwyrain Lloegr. Mae FW Capital yn rhan greiddiol o strategaeth y Grŵp gan greu budd uniongyrchol i Gymru drwy:

Ariannol - Gwneud cyfraniad ariannol i'r Grŵp er budd Cymru, yn ogystal â chreu swyddi yng Nghymru ar gyfer cymorth swyddfa gefn

Arbenigedd - Ehangu cwrmpas gweithgaredd buddsoddi'r Grŵp ac felly cynyddu'r sylfaen wybodaeth ar draws y sefydliad

Codi arian - Sicrhau a chyflawni contractau yn llwyddiannus ar ran trydydd partïon, gan gynnwys Banc Busnes Prydain

Y blaenoriaethau allweddol ar gyfer 2022/23 yw:

Codi Arian - Byddwn yn canolbwyntio ar godi arian cyflenwol i'n cronfeydd dyled BBaCh helaeth yn ogystal ag ystyried ceisiadau am arian Banc Busnes Prydain mewn ardaloedd daearyddol newydd. Y flaenoriaeth yw codi cronfa ecwiti, yn seiliedig ar strwythur tebyg i Gronfa Olyniaeth Rheoli Cymru. Yn ogystal, bydd cwblhau'r dogfennau cyfreithiol a lansio'n llwyddiannus Gronfa Eiddo Masnachol Gogledd-ddwyrain Lloegr yn llwyddiannus yn ffocws allweddol yn ystod hanner cyntaf y flwyddyn.

Pobl - Rhoi cynllun olyniaeth ar waith i leihau'r risg o gyflawni wrth i'r arian sy'n cael ei reoli dyfu, a diogelu'r dyfodol yn unol â gweithgareddau codi arian yn y dyfodol.

Gweithrediadau - Parhau i ddarparu cyllid cyfredol yn llwyddiannus dan reolaeth yn unol â disgwyliadau rhanddeiliaid gan gynnwys Banc Busnes Prydain.

Dangosyddion perfformiad allweddol 2022/23

DANGOSYDDION PERFFORMIAD	TARGED
Cronfa Fuddsoddi Pwerdy'r Gogledd	£21.3m
Cronfa Eiddo Gogledd-ddwyrain Lloegr	£10m
Cronfa Catalydd Tees Valley	£2m

Angylion Buddsoddi Cymru

Mae rhaglen Angylion Buddsoddi Cymru yn parhau yn 2022/23 gyda dull sy'n canolbwyntio ar fuddsoddwyr a fydd yn canolbwyntio ar y nodau deul o ailgysylltu'r rhwydwaith cyffredinol yn dilyn cyfyngiadau cloi – gyda nod strategol penodol o gefnogi datblygiad pellach syndicetiau buddsoddwyr o fewn y rhwydwaith.

Bydd y cynllun i recriwtio ac ehangu carfan bresennol y 'buddsoddwyr arweiniol' ar gyfer Cronfa Cyd-fuddsoddi Angylion Cymru (CCAC) hefyd yn parhau eleni gan gynnwys datblygu buddsoddwyr benywaidd ac amrywiol yn y grŵp. Byddwn yn yn ceisio sefydlu syndicet benywaidd yn unig, wedi'i gydgysylltu gan fuddsoddwr arweiniol benywaidd.

Blaenoriaethau gweithredol penodol eleni:

- Gwelliant parhaus yn ein gweithgarwch marchnata a hyrwyddo gyda nod penodol o ehangu lefelau ymgysylltu trwy gyfrwng ein gwefan a sianeli cyfryngau cymdeithasol.
- Arfarniad o'r cymorth ariannol allanol sydd ar gael i wella datblygiad angylion ymhellach a ffurfio syndicetiau angylion.
- Nodi ac ymgysylltu â buddsoddwyr 'arweiniol' profiadol ac amrywiol newydd i ehangu gweithgarwch buddsoddi angylion a gefnogir gan ein cronfa cyd-fuddsoddi.
- Cydlynu a chyflwyno rhaglen o ddigwyddiadau rhwydweithio a datblygu buddsoddwyr sy'n annog llif bargeinion estynedig a datblygiad angylion 'tro cyntaf'

Cronfa Cyd-fuddsoddi Angylion Cymru

Bydd y gronfa yn elwa'n sylweddol o garfan ehangach bellach o fuddsoddwyr arweiniol profiadol i gefnogi twf gweithgarwch syndicetiau llif bargeinion a buddsoddi angylion yng Nghymru yn fwy cyffredinol. Rydym yn datblygu cynghreiriau strategol gyda sawl sefydliad yng Nghymru i ehangu llif bargeinion.

Dangosyddion perfformiad allweddol 2022/23

DANGOSYDDION PERFFORMIAD	TARGED
Buddsoddi wedi'i hwyluso	30 bargaen angel / £3.25m
Buddsoddwyr newydd wedi'u cofrestru	Cynnal y rhwydwaith gweithredol o 300 o angylion cofrestredig
Buddsoddwyr arweiniol cronfeydd	6 newydd wedi eu cymeradwyo
Buddsoddiad cronfeydd	£1.25m

Cyflawni



Ein cronfeydd

Mae ein cynnig cyllid wedi'i ddatblygu i gynnwys cyllid cyffredinol conglfaen wedi'i gefnogi gan gronfeydd arbenigol sy'n canolbwyntio ar fylchau penodol yn y farchnad. Mae'r gyfres o gynhyrchion yn ein galluogi i gynnig a rheoli amrywiaeth o broffiliau risg a chymorth ychwanegol, drwy elfennau grant mewn rhai achosion, i ysgogi gweithgarwch mewn meysydd allweddol ar gyfer twf economaidd a chyflogaeth megis arloesi sbarduno a thwristiaeth.

Yn unol â'r ymrwymiadau llywodraethu a goruchwylio'r gronfa, yn ystod 2022/23 byddwn yn cwblhau'r amserlen flynyddol o adolygiadau ar draws pob un o'r cynhyrchion er mwyn sicrhau asesiad cyfnodol o angen parhaus y farchnad yn ogystal â nodi gwersi cyflawni parhaus.

£20m

Cronfa Sbarduno Technoleg Cymru

Cyllid Ecwiti ar gyfer Busnesau Newydd Technoleg

£204m

Cronfa Busnes Cymru

Cyllid ecwiti a dyled cyffredinol

£50m

Cronfa Buddsoddi mewn Twristiaeth Cymru

Cyllid ar gyfer prosiectau twristiaeth strategol

£62.5m

Cronfa Safleoedd Segur Cymru

Datgloi cyfleoedd datblygu eiddo

£25m

Cronfa Olyniaeth Rheolaeth Cymru

Cyfleoedd ariannu all-bryniannau

£25m

Cronfa Achub ac Ailstrwythuro

Cyllid trawsnewid ar gyfer BBaChau

£8m

Cronfa Cyd-fuddsoddi Angylion Cymru

Cyd-fuddsoddi gyda syndicetau Angel

£12.5m

Cronfa Ynni Lleol

Cefnogi prosiectau ynni adnewyddadwy lleol

£32.5m

Cronfa Micro Fenthyciadau Cymru

Cefnogi anghenion buddsoddi o dan £50k

£40m

Cronfa Hunan-Adeiladu

Cefnogi unigolion i adeiladu eu cartrefi pwrpasol eu hunain

£55m

Cronfa Datblygu Eiddo Cymru

Cyllid eiddo preswyl

£55m

Cronfa Eiddo Masnachol

Ariannu datblygiad gofod masnachol

£500m

Cronfa Buddsoddi Hyblyg Cymru

Cyllid ecwiti a dyled cyffredinol

£710m

Cynllun Cymorth i Brynu - Cymru

Cefnogi perchentyaeth ledled Cymru

Egwyddorion buddsoddi

Mae ein cyllid i fusnesau yn cael ei gyfeirio gan chwe egwyddor buddsoddi graidd. Mae ein rôl yn canolbwyntio ar gataleiddio gweithredu mewn busnesau a chyd-fuddsoddwyr i gael effaith ar ddatblygu economaidd yng Nghymru. Rhaid i'n gweithgaredd leihau dadleoli a sicrhau enillion economaidd - yn gymdeithasol ac yn ariannol.

Yn ystod 2022/23 byddwn yn dilyn datblygiadau wrth gyflwyno'r gyfundrefn rheoli Cymhorthdal a sicrhau bod ein gweithrediadau yn gwreiddio'r

gofynion angenrheidiol, yn enwedig o ran sefyllfa'r Cronfeydd Achub ac Ailstrwythuro fel Cymhorthdal neu Gynllun Buddiant posibl.

At hynny, byddwn yn parhau i ddadansoddi perfformiad buddsoddi ar draws darpariaeth y gronfa a nodi arfer gorau a dysgu a rennir er mwyn sicrhau'r enillion parhaus gorau posibl. Bydd hyn yn tynnu ar arbenigedd ar draws ein timau mewnol gan gynnwys cyllid, risg, dadansoddi busnes a chyflawni buddsoddiad.

Chwe egwyddor craidd dull gweithredu'r Banc Datblygu o ran buddsoddi yw:

- 1 Rydym yn gweithredu lle mae **methiant yn y farchnad**, gan gefnogi cyfleoedd economaidd drwy sicrhau bod cyllid ar gael i fusnesau hyfyw ac ymateb i anghenion y farchnad a chwsmeriaid sy'n datblygu.
- 2 Rydym yn buddsoddi ar **delerau masnachol** gan brisio'r buddsoddiad yn deg i adlewyrchu'r risg. Mae hyn yn sicrhau nad ydym yn disodli'r sector preifat, a'n bod yn cynhyrchu enillion y gellir eu hailgylchu i mewn i gwsmeriaid newydd, gan greu ased hirdymor, gwerth am arian i Gymru.
- 3 Rydym yn **fuddsoddwr amyneddgar** sy'n darparu cyllid hygyrch i gefnogi cynaliadwyedd hirdymor y busnesau a gefnogwn.
- 4 Rydym yn cydweithio'n agos â'r sector preifat a'r sector cyhoeddus ac yn **tyrru cyd-fuddsoddiadau gan y sector preifat** lle bynnag y bo modd i gynyddu llif arian Cymru.
- 5 Rydym yn buddsoddi ar gyfer effaith ariannol ac anariannol cadarnhaol yn y cymunedau rhanbarthol yr ydym yn eu gwasanaethu gydag ystyriaethau **Amgylcheddol, Cymdeithasol a Llywodraethu** wedi'u gwreiddio'n gymesur yn ein penderfyniadau buddsoddi.
- 6 Rydym yn fuddsoddwr cyfrifol sy'n darparu **gwasanaethau rheoli buddsoddiad arbenigol, annibynnol** gan ddefnyddio ein tîm profiadol i ychwanegu gwerth at y busnesau rydym yn gweithio gyda nhw am oes y berthynas.

Polisi

Mae ein cylch gwaith yn canolbwyntio ar gefnogi uchelgeisiau polisi lluosog Llywodraeth Cymru a'i chyrrff cysylltiedig ehangach. Mae ein hamcanion yn cyd-fynd yn barhaus â chyflawni effeithiau datblygu economaidd yng Nghymru. Dangosir y prif aliniad polisi isod:

Cyffredinol

Rhaglen Lywodraethu – Y Banc Datblygu i gefnogi mwy o arian yn y fantol a darparu cyfalaf amyneddgar. Hefyd yn cefnogi gwerthoedd cymuned, cydraddoldeb a chyfiawnder cymdeithasol

Cydweithio i gyrraedd sero net: Cynllun Cymru Gyfan – Pob sefydliad sector cyhoeddus i fod yn sero net erbyn 2030. Mae'r Banc Datblygu wedi ymrwymo i gefnogi hyn.

Llesiant Cenedlaethau'r Dyfodol – Saith nod llesiant a phum ffordd o weithio

Cynllun Buddsoddi yn Seilwaith Cymru – Y Banc Datblygu i lenwi'r bylchau rhwng cyllid o'r sector preifat. Gweinyddu cyllid y sector cyhoeddus o fewn y Modelau Buddsoddi Cydfuddiannol.

Tai

Rhaglen Lywodraethu – Mae'r Banc Datblygu yn cefnogi adeiladu economi sy'n seiliedig ar waith teg, cynaliadwyedd a diwydiannau a gwasanaethau'r dyfodol. Rydym yn datgloi ac yn datblygu safleoedd masnachol modern ledled Cymru, sydd hefyd yn gwneud ein dinasoedd, ein trefi a'n pentrefi yn lleoedd gwell fyth i fyw a gweithio ynddynt.

Gofynion Ansawdd Datblygu Cymru 2021 – Ariannu datblygiadau i gefnogi'r nod o greu cartrefi a lleoedd hardd, gan hyrwyddo Dulliau Adeiladu Modern lle bo modd.

Economi

Cenhadaeth cadernid economaidd ac ailadeiladu – Darparu cyllid cyflym ac ystwyth, gan wneud y mwyaf o gyfraniad y Banc Datblygu at gyflawni amcanion polisi economaidd

Symud Economi Cymru Ymlaen: "Adferiad Tîm Cymru, wedi'i adeiladu gan bob un ohonom" – Canolbwyntio ar bobl ifanc, busnesau newydd â graddedigion a sicrhau bod gennym gwmnïau wedi'u lleoli yng Nghymru i ddarparu cyfleoedd yn y dyfodol

Contract Economaidd – Banciau Datblygu Contract economaidd a chwe addewid cyflawni

Fframweithiau economaidd rhanbarthol – cymorth i raglenni cyflawni fel y'u nodwyd.

Gweithredol

Mesur y Gymraeg (Cymru) 2011 – Allbynnau a chyfathrebu dwyieithog

Rheoliadau Caffael Cyhoeddus (2015) – Rheoli pryniant nwyddau a gwasanaethau gan y Banc Datblygu


Gwaith Teg Cymru – Cadw at arferion gwaith teg

Gweithio o bell – Gweithio hyblyg i leihau ein hól troed, gan gefnogi nodau Llywodraeth Cymru i 30% o weithwyr weithio yn eu cartrefi neu'n gyfagos.

Amcanion llesiant y Rhaglen Lywodraethu

- Adeiladu economi sy'n seiliedig ar egwyddorion gwaith teg, cynaliadwyedd a diwydiannau a gwasanaethau'r dyfodol
- Adeiladu economi gryfach a gwyrddach wrth i ni wneud y cynnydd mwyaf tuag at ddatgarboneiddio
- Gwreiddio ein hymateb i argyfwng hinsawdd a natur ym mhopeth a wnawn
- Dathlu amrywiaeth a symud i ddileu anghydraddoldeb yn ei holl ffurfiau
- Gwneud ein dinasoedd, ein trefi a'n pentrefi yn lleoedd gwell fyth i fyw a gweithio ynddynt
- Gwthio tuag at filiwn o siaradwyr Cymraeg a galluogi ein diwydiannau twristiaeth, chwaraeon a'r celfyddydau i ffynnu

Amlinelliad o'r Strategaeth





bancdatblygu.cymru

developmentbank.wales



Banc Datblygu Cymru ccc yw cwmni daliannol Grŵp sy'n masnachu fel Banc Datblygu Cymru. Mae'r Grŵp yn cynnwys nifer o is-gwmnïau sydd wedi'u cofrestru gydag enwau gan gynnwys y llythrennau BDC. Mae Banc Datblygu Cymru ccc yn gwmni cyllid datblygu sy'n eiddo i Weinidogion Cymru yn gyfan gwbl ac nid yw'n cael ei awdurdodi na'i reoleiddio gan yr Awdurdod Rheoli Darbodus (ARhD) nac yr Awdurdod Ymddygiad Ariannol (AYA). Mae gan Banc Datblygu Cymru dri o is-gwmn. au sy'n cael eu hawdurdodi a'u rheoleiddio gan yr AYA. Noder os gwelwch yn dda nad yw Banc Datblygu Cymru ccc nac unrhyw un o'i is-gwmnïau yn sefydliadau bancio ac nid ydynt yn gweithredu fel y cyfryw. Mae hyn yn golygu nad yw unrhyw un o endidau'r grŵp yn gallu derbyn adneuon gan y cyhoedd. Gellir dod o hyd i siart strwythur cyfreithiol cyflawn ar gyfer Banc Datblygu Cymru ccc i'w gael yn bancdatblygu.cymru.